

續修四庫全書

《續修四庫全書》編纂委員會編

續修四庫全書

上海古籍出版社

一四七八・集部・別集類

陶山詩前錄二卷 陶山詩錄二十八卷 (清)唐仲冕撰……………一

陶山文錄十卷 (清)唐仲冕撰……………三〇一

掣經室集五十七卷 (一集卷一至一集卷十二) (清)阮元撰……………五二七

嘉慶辛未嘉平月

陶山詩前錄

榮川酌民言堂藏板

詩家以性情為貴陶山先生真是詩人性情故下筆每得古人詩境深處此二卷乃其中年以前之作家法者詩意雖晚得未曾有次者亦各有一種情趣要不愧為雅人之詠也

嘉慶辛未冬姚鼎題



而巧思合綺健骨摩空竟從倚馬之餘得成載酒之集
見者遂驚猶鬼神焉不知召雲者龍命呂者律先生萬
流廣納八風棣通大而掌華蹈襄小而鏤塵吹影則分
其全量衍此餘波不過小試其別腸遂已若開平生面
要之藏山之業自有千秋活民之書利在當世此第文
人極致游戲神通僕豈敢以習制氏之鏗鏘而妄欲測
牙生之山水乎因其譁諉重以引伸以見其一藝之無
不精如此嘉慶辛未上巳同年錢唐吳錫麒撰

吳序

三

原缺

善化唐君陶山錄其前後古近體詩共
若干卷刻既成問序於余余與陶山同舉
京試相識於鄉人中不亦習也冬陶山
始成進士出宰吾鄉之荆溪余上自都
郎外擢浙江監司每於海寧吳越聚要
見陶山所為詩踴躍隨聲鏗旬常盡心
竊善之奈何陶山移任吳興同其勤苦以

秦序

多而以其慨修治古蹟播於輦輦人皆稱陶
山為侯余余以入親過吳相與還往自後
雖臨分睽祇以書問通殷懃而已未幾十五
年余在京師陶山以通州牧膺薦至極手
道故相見甚懽時余方有還志而陶山謫
於榮利甚念趣二疎越於軒冕之外惟常
過余語詩吁陶山以是宜其詩之工也歟

夫三楚多詩人余所識者周半帆孫石溪
其尤也而君一為鄉令一官學博皆不棄以
沒而陶山亦為困於簿書鞅掌中或以此
為陶山惜此則不然昔歐陽以文章名
而與人言但及政事蓋政事可以施之於人
而文章乃其餘事今陶山久日民牧雖不
能盡彰其志亦既有言政及民而又能以

秦序

易直子孫之心形諸篇什孔子言誦詩之
百授之以政陶山之於政也素矣唐即此
詩之以為教乎余與陶山為同年者數十
年於茲而始得盡讀其詩而序之亦
有幸矣

嘉慶十有七年上元前三日秦流序



陶山詩錄序

讀書

余與陶山故有蕭望之雅意本朝之願不樂家外迄皆弗遂余既蚤衰自廢君成進士迄為州縣江南起伏迤邐其中十有餘年遷領方州累權大郡在去汭不為不遇要之非其好也然陶

王序

山之學則固是大進學進詩亦與之俱勝陶山既志寫入官以後所作略仿古人一官一集釐為若干卷以示余屬為之序夫以陶山之才屈為州縣州縣亦今天下速飛之器也上不難如古循良立名奏效下亦不難因

三序

二

緣薦寵獵取槐節焜耀一時今顧不然而徒授手版望塵趨風今日拜于塗而明日衙于府而其間又不能無行役之煩簡書之悴期會之數數與夫事物是非相感觸于是含豪伸帑以一官昌其詩何為也哉君始至判

溪以大買書通其帑肆力讀之其後改官五六處輒以書俱暇則訪其山川交其學士大夫蒐舉湮湛褒存壘墓其中之所宜然莫釋然欲達者往、不克施諸官則以寓諸詩而詩乃裒然如是矣假令陶山當日幸不

為州縣為州縣不玉江南又幸
如前所稱把旄握節去為貴人
必且不暇為詩即為詩必不能
縱所好于讀書以立其為詩之
本而多其為詩之助如今無疑
也然則陶山之詩未始非陶山
之官之連遭起伏有以推排激

王序

三

宕而成之今此一官一集志其
官凡以志其學而已君為人色
夷氣清議論必依于忠厚不為
厓岨蘄絕而臨事嘉然見可否
尤善因事為功或形格勢禁不
惜宛轉掄十一于千百所持利
害得失或不能驟當于上官久

而卒無以易之以是平相与倚
辦加之揄揚比者竄計而還以
病乞去不得猶來卧理于此盖
陶山之詩成而官亦自是將起
矣雖然以陶山之人之才之學
一官十餘年徒用昌其詩即所
謂因事為功者亦徒一二于詩

王序

四

見之後之讀者亦且論其世而
慨然有感于余言也夫嘉慶庚
午歲除長洲王芭孫序



陶山詩前錄自叙

余既刻入官以後詩十二卷檢癸丑以前至戊戌尚千餘篇不忍棄請姚姬傳先生刪之存一百四十首別為二卷十數年中菽水之養松楸之營履齒齡之遊歷與夫公車往返山居食貧之梗概亦略可見矣人生由少而壯而老已事如煙不可追跡唯藉此攄寫性情胸臆之筆存其崖略詞雖不工胡可棄耶戊戌以前之草自謂不足存而悲熱之吁今之存者果足存乎吾不信也此陶山詩前錄之所以刻也幸未長至月仲寬自識

自叙

通州白懋初慎旃書

秀水瞿璜春溪校字

陶山詩前錄卷上

善化 唐仲冕 六

古近體詩七十五首

擬古四首 戊戌

驅車河洛開南北無殊軌仗此忠信心可以行萬里侈蕩擊珊瑚讒間載意茲古豈無賢豪往往踈疑似廩廩持尺寸君子遇不詭俯仰天地寬逍遙得素履凜凜歲云暮愁思起中夜烏啼月將落雁叫霜初下披衣問何其晨起欲整駕仰看喬木深兼惜連枝亞客遊如獨樹當風畏凋謝感茲物候移鄉井懷桑柘

陶山詩前錄卷上

客從遠方來遺我一書函書中何所道紬繹當發几樞機榮辱主古聖歎三緘世情如水火人事異酸鹹特直而不戒次公衆所銜禍生自戕口作賦空憂讒莠言似荆棘滋蔓宜速芟珍重金石辭捫舌立之監

客游何所得縱得又何如朱門斲其椽未若蓬戶居靖節賦歸來僮稚共引裾心追兩漢上眼觀三古書在官殊自苦乞食反為愉願君志飛鴻稻梁非遠圖自古行路難慎旃發軔初

出都門晚行口占

卞和頻獻璞王桀獨登樓中酒燕臺畔驅車易水頭夕

陽孤倦鳥村樹聚歸牛頗愛涼颼起稜稜六月秋

題三楞齋

院東花欄度煙靄一楞瀟灑出廊外院西垣衣長斑駁
一楞清森出齋角苔蘚侵階石覆檐隔廊相對春漠漠
我日吟哦坐其下時擁鴉鋤護拱把但有小陂望大椿
不羨高名求美楨幹不擁腫枝不拳不知已者詬厲焉
世無子知子有偶蕭散自足全其天我亦迂疎少諧俗
天之生是寧使獨掄材見棄裁者培植木無心來不速
雲深掃徑已逢三月明對影還成大休論臭味無差池
鶴鳴詩咏園有穀

陶山詩前錄卷上

寒食道中口號二首

撫景驚心處孤墳岱嶽西春暉何日報客夢昨宵啼百
五日空過蒼黃雲自迷愁看走士女拜婦到雞棲
春事徂強半衰顏違又年高堂人七十客子路三千山
勢幽燕巨風光蒼雪偏少陵當此日示子尚詩篇

客遊
杭州

雨後

驟雨難終日晚晴得自賒雲殘不碍月風定為留花清
入三更鶴涼生兩部蛙連朝蒸歊洗迴似到長沙
雨霽登易州城晚眺

衝泥冒雨出塵寰百雉城巔一望遙塞上雲深天欲漏
河干風涌水如潮周遭列嶂分西徼紫繞清溪送北條
指點荆軻山下路暮鴉起處有歸樵

月夜甯內兄少尉邀同黃別駕楊馮二學博登易

州南城飲

嵐拖晚寺響蒲牢興蹕危城接散曹皎月初圓雲出塞
涼風一角客憑高蟬知秋近聲先劇酒到情酣首自搔
最愛漫漫山漲發和煙似涌廣陵濤

趙北口懷黃十九長原廿三一吾兄弟

湘南皆寧 已亥

陶山詩前錄卷上

百頃葑田水盈盈送客愁繞膝看櫓極聽鳥訝鉤輶
雨千畦綠荷風五月秋自慙隨襪襪欲附遠帆舟
憶昔濠梁興招同住馬蹄隔蘆呼小艇掃壁新題雁
齒經重倚鵲夷悵獨攜何時偕勝侶買棹話湘西
布山旅次喜何星田見過別後賦寄二首

諸
生
庚子

嗒喪原無我登來喜是君掩窓吟細雨燒燭話寒雲榻
近秋菴覺山深遠梵聞新知促分袂旅緒更續紛
剝啄方傾釀分張自閉門樓空風出入雲亂月明昏永
夜邨更斷寒林野雀喧漫驚鄉夢覺落葉打窓繁

次韻星田安山雜咏二首

秋盡寒山葉憑軒獨望時
村民乘屋早縣吏索租遲
邀客烹黃韭尋仙採紫芝
顏懷強半阻落落有誰知
覓句冰生硯停杯月入帷
因疑即見面促和舊吟詩
夢破深寒裏春生小飲時
依人同落托歸計莫教遲

清明日獨遊凌漢峰下三首

辛丑

和風烘出曉窗晴
簫鼓傳聲聽賣錫
忽憶春光滿山隴
榆錢柳絮正清明

藤梢刺眼入幽岑
短竹橫斜倚自陰
風亂桃花紅似雨
泛潭春水綠沈沈

陶山詩前錄卷上

四

踏殘花徑叩禪關
却笑山僧不在山
檻外蒼髯如舊識
披襟相對白雲間

篆刻漫興

繆篆摹印章漢唐法屢變參用朱白文
奇巧競藻絢斑駁為爛銅精細為鐵線
煮石自山農象犀品乃賤壽山與青田採洞紛玉片
愛惜及銖兩價重逾緡絹少小題踐牘標識名手倩
近習次仲書篆刻尤所羨萊山富砥砧水蒼復蔥蒨
嫩軟如切泥初試手猶顛點畫至於族林然遲以眎
規矩效斯冰傲詭仿敦龐自謂能稍稍逢人輒賈街
亦有好事者投石趁閒宴秋露愁泥活倚窓

坐深院別風淮雨間繁簡參譜傳越砥築氏削霏屑如
集霰橫理何庚庚疊疊用糾纏當其析毫髮目力矧巖
電能事不迫促四顧藏刀善楮葉笑無成棘猴渺難見
茲枝等雕蟲猶堪消畫倦花箋漫排窠脫手飛輕茜

陶山展墓往返得詩八首

納稼前村語漸譁板橋流水見人家
荳花小圃經秋雨柿葉深林帶晚霞
為護障泥遲渡馬無多髭柳亂栖鴉
養魚池沼依稀在欲倚朱公學富誇

牛山荆蒺接陶山峰嶠參差十里間
嶺半缺來雲欲補峽當斷處樹為關
輕霜滿笠鞭羊早細雨籠煙去鳥閒

陶山詩前錄卷上

五

自媿東西南北客崇封四尺望屏顏
夢裏膏騰色笑微九原長恨隔春暉
羊腸細路難通徑馬鬣新阡石作圍
霧滿藤蘿侵履濕草枯蚱蜢倚衣飛
可憐身上拈殘線遊子而今尚未歸
登高節近奈愁何此際西風振觸多
卅載生涯常作客十年荒隴幾迴過
憑教日者推磨蝎幾使門人廢蓼莪
更憶鄉閭插萸徧扶鳩東望數駕鷺
幾年歸燕賦難成席帽青衫客緒縈
雁入南天霜有迹蟲鳴秋草雨無情
松楸空灑梁公涕桑梓偏輸萊子耕
荒碣摩挲鄉思劇遠山一抹暮煙橫

曙袍飈館促歸裝回首淒清百尺岡一帶茅茨煙繞碧
半溪沙路草鋪黃濃雲入樹埋山脚疎柳侵池淡曉光
長憶昔年郊老句可堪風雨近重陽

虛牝長拚歲月新詎從潦倒怨儒巾追懷斗麵逢生日
頗恠桑弧誤客身憔悴至今留藻鏡顏唐空自浣緇塵
百年底事頻搔首欲向瞿曇問宿因

身世低徊輒索歎山椒一徑入崎嶇僮奴駭汗扶輪走
將伯驚心上阪呼昨來山路九兩費車
遇過其處有戒心焉已是勞薪還自

惜不教歧路更多虞秋風獵獵垂楊影好趁孤吟滿眼
酤

陶山詩前錄卷五
遊徂來山二首壬寅

嶂疊峰仍斷溪泉出谷幽亂雲投客履積翠引吟眸過
澗輕塵隔憑欄薄霧收丹黃紛滿樹不道是深秋
一榻依雲壑雙扉抱碧林却從鄉夢斷驚聽澗流深葉
墮風敲戶窓疎月入衾游裝凌曉發輕拂薜蘿襟

齋中雜詩二首

兀坐拚長日閒行過短橋僕言漫刺字吏苦遞詩歌入
寺尋僧熟登山借馬驕為窮幽勝處谷口話歸樵
近山雲入室驟雨水平堂菜甲開新齋垣衣慣夕陽閉
奇依樹久待月引壺長花事終年了關齋伴晚香

送星田南歸應舉癸卯

岱下棲遲歷歲年坐談連榻出連羈為懷楚澤三秋月
攜得齊州九點煙汶上馬嘶楊柳渡岳陽風送木蘭船
承歡折桂應重至共躡雲梯到日邊

樗隱咏懷有序

齋後雷舊有隱距門裁尺所迫移築其北得小園廣
數弓中有竹樗而樗最茂因名樗隱時一涉足輒懷
星田新別故也

支離似我稱疎材小逕聊從屋背開雲影漸隨歸客遠
月明猶為故人來扁舟短策程千里老樹孤邨夢幾回

陶山詩前錄卷上

獨坐支頤無箇事暮鴉啼上隔牆槐

樗隱即事二首

日涉都成趣花畦漸綺交老樗高過屋新竹小如茅逸
夢風親榻孤吟月上梢寄焉同社櫟無意問芳郊
偶倚扶疎樹聊披山海經野花閒自舞啼鳥劇還停坐
記牆陰日看低屋角星嶺雲容易入檻外一痕青

過平陰作家君舊治

榆山山頭路欽崎山下斗城日上遲嶺邊人家石累屋
林際雞聲棗編籬偶逢舊識十年話重覓古渡一鞭持
遺惠雲門與雉堞至今猶有耆叟知

題何雪圃詩集

雪圃名入
鶴州人

學詩如學琴調指無淺深幽蘭與綠水須知絃外音讀
詩如飲酒不貴甘可口樹桂有餘辛真是掃愁帚君詩
有性情我讀不釋手古人洵可學勉旃惟孝友遊子竟
何為衣食困奔走一讀一迴腸感君意良厚莫與外人
言里耳重折柳

遊靈巖贈陳明軒

明軒名秉灼
澤州諸生

自笑蕭然行脚僧一時杖履許同登巖頭鶴舞松花落
洞裏雲生塔影增出世欲隨陳壽愷開山先數佛圓澄
證明龕頂無無盡更約重游到上層

趙北口

陶山詩前錄卷上

一奩春穀縹輕紋十二橋邊草色薰趙北煙波迴無際
竹西風月許平分鶯聲漸合芳津柳帆影遙寥別浦雲
絕憶江干風日暖買魚沽酒趁斜曛

贈謝二少山

甲辰

同是樓羅客春殘旅思中軟紅新得雨浮白快當風已
分題歸燕憑誰識燮桐猶堪樂晨夕時共檢魚蟲

出都門二絕句

京華旅食又經春依舊當年席帽人促把歸鞭出郊墅
桐芭初拂笠簷新

濃綠含煙樹萬行幾家離落野花香分明憶得江鄉景
但欠溝塍長稻芒

過郭隗墓

先生何卓犖白微千里骨不惜五百金羣駿紛馳突嗟
彼相馬人驪黃辨俗目遺神而取貌空骨人所忽築宮
徵燕昭先生終汨沒淪落不足言安能興也勃黃金臺
上草先生墓傷木一歲一榮枯千秋感樵牧

過顏考叔墓

驅車渡潁水豐碑誌古墓云是鄭封人考叔舊封樹獻
君食舍肉遺母同反哺惟藉一杯羹妙轉黃泉路沛公

陶山詩前錄卷上

取天下分羹置不顧輒登怨邱嫂頌羹彰所惡孝弟義
已衰力爭但貴富懿哉麟鳳仁梟獍亦悔悟繫我久客
遊甘脆違朝暮捧檄尚未能感此深孺慕

大堤曲

郎住襄水西妾住襄水東襄水日東流願郎常相逢隄
樹密如蔣隄岸亘如虹期郎郎不至使我心中忡忡心
寧見棄妾命未合通繡柱與鞦韆難為時世容郎如念
妾來時立芳蘭叢柳花香滿懷開袖寄東風

潛江舟中

漢水支流勢盡降清溪綠樹是潛江桔槔連岸催鉦鼓

槎枒橫灘接石砭薄靄受風平水面晚涼和月到船窓
長年知我歸程急理楫中宵駕一艖

嘉魚舟中

雨後添新漲江寒透短衫晚風吹急浪返照上孤帆磯
沒頻移簾湍奔輒破巖扣舷聊自和遠岸月初銜

風阻茅步夾

打槳過石頭江平波激澗山容媚新雨林樾浸江面方
苦舟行遲又訝風勢變當頭浪聲雄隔岸雲葉颭我來
趨晨昏心迫欲乘傳買棹入江皋樓指近鄉縣却與三
老愁未趁五兩便收纜泊夾浦兀坐增句線遙看下水

船帆檣急如箭

湘陰道中

昨宵新雨水平塘竹埤松林五月涼行到小溪過短杓
午風輕送稻花香

將至長沙贈同行羅湘洲

全年湘洲名廷彥衡山人

結言敦夙好氣誼久倍篤歸程愜素期攜手忘榮辱君
行計五偕我客麥八熟蕭然出春明風塵走碌碌暮沙
自引車曉渡親執扑相對塵積面無語愁滿腹馬竭纔
移舟風滯輒登陸烈日傘欲燃與人汗如沃相將五十
里里門始可矚各遂倚閭思敢言辛苦足醞釀君冲冲

疎慵我粥粥風雨日連床資益可更僕志業難強同冥
鴻與飛鵠車笠不足盟盟深在幽獨

到家

肩輿入長沙親故寡所識道左問新居山塗足攀陟日
西過姊門虹飛雲如墨前行轉隈坳欲避風雨逼松杉
雜箭蔚水竹護前劣池遶小徑開吾翁倚門闥登堂拜
家慶未語淚沾臆愛子反慰撫呼孫急來即自歎旅遊
初舊志不家食數載空歸來兒讀安能織仰視堂構成
將落規不殖榮貴非可期惟有事務穡

自題拜慶山房

日余別寓堂由廬尚依舊歸來歷七春新遷愈僻陋老
親漸衰頽癡兒苦句讀所幸長病愁能聚老幼夢生
西堂草力種南山豆滿架餘縹緲數椽闢主賓蕉深護
雨林竹密抱雲岫清風時一來為我消冰畫顧我念析
薪何以副丕構感茲致洗腆謹用誌中雷

即事

生長在里門弱冠即遠駕親戚半疎違況乃易桑梓茲
從久客歸因欲營祀極弟兄聞我來歡集趁休夏鄰里
聞我來攜酒相慰藉六親聞我來遠近紛招迓我本媿
三益媿裾滌子舍醜顏對朋儔石田荒墨稼樹巔雞鳴

午巷口犬吠夜身世識所歸逢人問米價

禱嶽途中作

曉行入山路寒煙結千縷微旭閣重陰欲雨不得雨山
斷見平田林深得花隄遠迤巖谷中迎人問岫嶺我來
非曠遊默禱已偃僂風起宿霧開羣峰一一吐

登南嶽祝融峰

炎精貫注出蒼冥顙骨嶙峋表赤靈青玉壇邊橫半壁
朱陵臺上闢重扃騰騰光燄爭鶉火冉冉煙霞落洞庭
獨拄穹顛暗搔首晚風聊與酌湘醪

禹碑

陶山詩前錄卷上

十一

近人不識籀與篆蟲文鳥跡安可辨偶然遇之妄生疑
或且彊作雕龍辯大禹五馬祝融峯赤繡蒼水天神遣
授以金簡玉字書力灑沈蓄致清晏當時惟禹省其文
朱虎熊羆勞披展南嶽四千一十丈仍以宛委事雕琢
山騰水涌龍畫分雷回雲紘螺書扁鞭答蜩蝻走彷徨
呵護不許蝕野燄覆釜空同失遺碣廬山漫誌余乃攬
於鑠皇古獨此碑嘉定以來理終顯上追陽虛之丹甲
婢視靈鼎與紀獻鼎下少年飛颺去陋儒以意相推衍
誰歟置身如后笏承帝曰嗟義粗淺我來更欲重箋釋
自慙謏庸空別薛象物已淪此義荒何人編輯入謨典

秋齋雜述四首

澗繞峰環樹影幽幽棲頗稱一枝安雨疎叢荻魚標斷
雲護清溪鶴欄窅白塹和泥新掃壁紫皺駭栗輒堆盤
飄零書劍聊收拾時侍鳩筇仔細看
深林屋角帶晴煙散步墻陰意斐然丹桂最宜端正月
黃華長是義熙年枝頭噪雀賡樵唱村外呼鷹破鴨眠
報道重陽新釀熟捧觴攜幼列長筵
人生真是挂星槎須擇溪山艤槩牙松粒受風侵帽側
桐陰銜照入簾斜落泥歸燕猶留壘收蜜殘蜂已散衙
却掃自安鳩計拙門封龜網壁盤蝸

陶山詩前錄卷上

十三

山居秋興四首

地僻長無事山深覺早寒茗旗開白甌橘刺綴黃園新
霽忙乘屋斜陽愛倚欄此中幽興足不復問彈冠
每倚紅藤杖隨行紫蓋山試橋泉落澗掃石薜留斑偶
遇鄰翁話頻先暮鳥還一樽禁索莫何以慰顏顏
門外溪山迴丹楓惹夕暉柯樵雲亂響驚鷺水斜飛未
把青絲鞵長依白板扉耕縻占秋隴時為荷鋤歸

劇冷頻聞雁餘溫或見蚊蕉聲和石榴竹影失溪雲落
葉清於雨深林絳欲焚遠香山果熟登案配芳芷

發長沙舟中別弟

乙巳

為銜親命白雲東買棹湘干祖席同姜被難分將曉月
顧帆已飽乍晴風莫從子舍傷離索應憶孤樹望鬱蔥

陶山菊有鬱蔥山

昨夜歸期曾共數此心不負小山叢

柳枝歎

念我昨出門送者自崖反其時折柳贈枝頭纔著眼行
行今幾日春光已無限驛路與野橋垂綫相組縮天桃
爛欲然穠李靚如浣更當經幾時芳徑絮飛糝長條拂

陶山詩前錄卷上

十四

金堤歲梭聽睨睨又當經幾時髮禿鴉棲晚人生苦奔

馳日月珠走阪既無安樂緣何傷長顙領獨懷倚閭人

時物日增感

鹿邑道中

春曉猛著霜霧濃不見手行人卜晴多農夫待雨久來
年橫東阜耕縻亂南畝馬鬃齏點滴鮒輟乞升斗荒村
風捲屋逸車牛絕紐老嫗劇根菱姪女鉤桑柳遊客方
北上遷毗或南走相逢話黃髮並坐烹綠韭莫歎行路
難且歌將進酒

望泰山

去年躡屐上衡山幾日拚舟出楚關却笑故山翻似客
短筇仍拄岱雲間

清明日登陶山展墓四首

夢繞三千里來經廿四風淒然岡隴上醺酒醉空濛孤
塚存封鬣浮生歎轉蓬艱難伸拜掃來去輒匆匆
細草生山色輕陰落杏花少游無大志子厚倍思家巢
室慙歸燕銜枝慕乳鴉紙錢飛未盡惆悵夕陽斜
何人剪草萊樵徑墓門開暮雨棠梨發崖風蝙蝠迴石
澗北山南路村籬帶晚煙欲為聯社客恨乏買山錢同

陶山詩前錄卷上

十五

姓能收族相資為置田從茲樹松柏何日表新阡

上巳日諸子邀遊王母池禊飲

楔潭何處春色占瑤池一鑑含翠潏溯委窮源自蓬萊
綠淨魚懸石深塹同屣踏青臨清流疑見水心人捧劍
濯巾當風信所適華碩翫翫殊未厭攀葛愛摘山花紅
傳杯漸覺村釀醺閑雲幾簇披晴峰飛鳥數聲驚落艷
欲學參軍賦蠻語頗類茂先談漢槩幸逢雅集諸君賢
樂我相長一日僭醉餘憑眺關前軒草滿江南增遠念

陶山詩前錄卷上

陶山詩前錄卷下

善化 唐仲冕 六秋

古近體詩六十五首

竹雨東任春帆太守

春帆名溥宛平人

駭空驅風來小竹力支亞初疑雲影落瞥見電光射少頃雨如豆瑟瑟紛傾瀉洗柯雷接檐垂葉低入舍連朝苦煖蒸兀坐思水榭此君不受暑亦復鬱燭炎忽開甘露門恍縱青冥靶碎玉聲初聞跳珠來何乍澎湃久稍歇浙瀝渾未罷從茲引清虛頗可消炎夏使君矢精誠昨向天歎借知當策紫馬憑高覘秋稼會陪賓朋驛有

陶山詩前錄卷下

酒不須黃且看綠滿窓寒碧任枕藉

獨坐竹間三首

初來岱宗祠遙見過墻竹湫隘不容車數竿倚老屋因之寄襍被相期幾信宿晨夕對寂寥筍芽忽滿目縱橫上幾番漸成篋簾谷感君慰薦意留滯轉寒燠但得樽不空何妨俎無肉

落落宵鐘遠蕭蕭夜窓幽銜杯看月落欲語無朋儔起步碧薜階孤懷伴清脩乘酣拂枕簟夢向青霄遊羣仙相揖讓連翩驂翠虬時聞雜佩響采庸和華由歸昌奏奇律長嘯開吟眸魂清聽未厭驟雨滿梢頭

泰山足蘊毓結根有叢篁時引日觀雲護茲翠琳琅青鸞雲中下棲集何軒昂啾啾燕雀羣腐鼠資稻粱莫道浮筠筍結實終茫茫雲深清籟發逸韻諧笙簧聊堪愜幽屏豈必愁飢腸

立秋日晚眺

溽暑消殘雨清秋入晚風淡煙原外綠斜日樹巔紅擣帛聲先至簪楸興未窮却驚飄一葉旅思逼疎桐

別竹

君本清介姿宜共雲藏岫顧我未免俗適與君邂逅初看枝葉疎旋見落筍透力為護擇龍嵐帚掃晴晝雨晨

陶山詩前錄卷下

與月夕悠然伴寒瘦君既無差池我亦忘謫陋銜杯蘸晚風吟句侵曉漏如遇東南美不問雙隻堪迴憶客依初月律裁太簇勾留至木脫情親尚如舊忽驚涼颼起颼颼滿圭竇來朝促分張相對滋恂愁因思逐征鴻漸遠協占繇今春端策序行遇新之譙知君耐幽獨無輕結蘭臭何須報網維神交誼彌厚

睡燕二首

鳥信風過玳瑁檐樓邊頓息語話話銜殘杏雨眠初熟倦繞梨雲夢亦恬春靜游絲輕裊院晝長銀蒜半垂簾風光自是堪消遣非為塵勞事黑甜